



# education

Department:  
Education  
**REPUBLIC OF SOUTH AFRICA**

NATIONAL  
SENIOR CERTIFICATE

GIREIDI 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LARA 2009

MEMORANDAMU

MARAGA: 80

Memorandamu uyu u na masiatari a 22.

**KHETHEKANYO YA A: VHURENDI****MBUDZISO 1 (Mbudziso ndapfu)**

(VHA SHUMISE ADENDAMU KHATHIHI NA RUBRIKI I RE MAFHEDZISELONI)

**ADENDAMU****Maraga dzi avhelwe nga ndila yone:**

- Maraga dza 7 ndi dza mbuno.
- Maraga dza 3 ndi dza luambo. Dzone dzi avhelwe nga ndila hei:
  - Maraga 3 kha o wanaho mbuno 6-7
  - Maraga 2 kha o wanaho mbuno 3-5
  - Maraga 1 kha o wanaho mbuno 0-2

***Tshilwavhusiku tsha Ha-Ramabulana – LR Ndlovu***

Thero ndi muhumbulo muhulwane wa tshirendo une ra u wana musi ro vhala tshirendo u bva mathomoni u swika tshi tshi fhela. Murendi u amba nga ha vhuhalu ha Ramabulana a tshi lwela shango.

Murendi u khou vhilahedzwa nga u sa dzhielwa nthā ha Tshilwavhusiku tsha ha Ramabulana naho vho lwela na u phulusa shango kha maswina.

- Vese 1 Murendi u shumisa ipfi '**thoni**' zwine zwa amba u shona. Murendi u amba uri Afrika Tshipembe/Vundu la Devhula/Venda nga li shone kha zwe la itela Makhado.
- Vese 2, Murendi u shumisa ipfi '**thamu**' Thamu i shuma u rwa muthu o khakhaho. Sa zwenezwo murendi u tama vundu la Devhula li tshi pfiswa vhutungu nga zwe la itela Makhado.
- Kha vese 3, ri wana '**tsole**'. Zwi amba u newa khaidzo nga u tou rwiwa, tshine tsha vha tshiga tsha khaidzo. Murendi hafha u tama shango la Venda li tshi kaidziwa nga u tou pfiswa vhutungu nge la kundelwa u hulisa mishumo ye Makhado a itela lushaka.
- Kha vese 4, ipfi '**ziamedza**' ndi u tsika muñwe muthu nga zwo vhifhaho sa u nea samba. Sa zwenezwo murendi u vhona Venda li songo fara Makhado zwavhu nge la kundelwa u vhona mishumo yaye mivhuya. Ndi u señwa/samba hezwi.
- Vese 5: Ipfi '**tshiangaladzi**' ndi tshiga. Murendi u shaya u vhona tshiga (tsha khumbudzo) tshine tsha do ita uri Makhado a humbulwe ngatsho.
- Vese 6: Ipfi '**mihuvho**' li ri disela muhumbulo wa u takala ha vhathu vha tshi hulisa na u renda muthu. Murendi u shaya u vhona vhathu vha tshi hulisa na u renda Makhado kha mishumo ye a itela lushaka.
- Vese 7, Ipfi '**dzadza**' li khou amba labi lo t̄ahalaho li sa divhalei. Afha zwi sumba uri naho Makhado o ita zwivhuya a vho ngo v̄huya vha mu livhuwa na nga tshithu tshi sa divhalei, naho tshi tshi nyadzisea hani.

- Vese 8, Ipfi '**mbokoti**' zwi amba muthu wa vhuhali vhukuma o lwelaho lushaka sa ene khosi Makhado; ipfi '**milwaho**' zwine zwa amba o faho a vhulungwa.
- Kha Vese 11, murendi o shumisa ipfi '**hagala**'. Zwi amba u halifha kana u lwela tshithu wo diimisela. Khosi Makhado o lwela shango o halifha nahone o diimisela uri **li** si rengwe nga vhasili.
- Kha vese 13 ipfi '**tshirengululi**' **li** sumbedza uri Makhado o **disela** vhathu mbofholowo na u sumbedza uri vhuhali hawe ho vhofholola vhathu.
  
- Vese 14 na 15, Murendi o shumisa ipfi '**pfumo**' na **tshitangu**, sa zwiga zwa tsireledzo. Murendi u sumbedza khosi Makhado o vhulaha zwifheti (vhatshoteli) zwa shango a **disa** mbofholowo nga mufumo awe.
- Vese 17: Ipfi '**rungunye**' ndi u bvela nnda kana u mela ha tshithu tsha vhonala sa musi muthu o swa zwa vhonala nga u rungunya kana mbeu i tshi mela. Murendi u tama dzina **la** khosi Makhado **li** tshi vhonala kha bugu dza divhazwakale ya lushaka.
- Vese 18 ipfi '**Shaka**' **line la** vha dzina **la** khosi ya vhuhali I vhonalaho I tshi nga onoyu Makhado.
- Kha vese 19, ipfi '**makumba**' hafha **li** amba mishumo mivhuya ye khosi Makhado a sia o itela lushaka, vhathu vha tea uri vha i bveledze i ye phanda, na kha vese 20 ipfi '**vhaalameli**', **li** ambaho **rine ro** salaho uri kha ri i bveledze i ye phanda.

Murendi o kona kha kunangele kwa maipfi e a shumiswa u bveledza theroy ya tshirendo itshi.

[10]

## KANA

### MBUDZISO 2 (Mbudziso pfufhi)

#### *Ro tangana – AC Bvumbi*

- |     |   |     |
|-----|---|-----|
| 2.1 | Ndi <b>liriki.</b> ✓  | (1) |
| 2.2 | Vhafunani/muthu wa tshinnani na wa tshisadzini. ✓   | (1) |
| 2.3 | U ilafha/onga/ <b>thogomela</b> ✓.  | (1) |
| 2.4 | Ndi wa u ita zwithu khathihi vha tshi thusana kha <b>zwothe</b> . ✓   | (1) |
| 2.5 | O takala. O takalela u vhona mufunwa wawe a mu funaho na u mu thusa kha zwithu zwinzhi/U khoda lufuno lune vhuvhili havho vha vha nalwo. ✓✓   | (2) |
| 2.6 | A zwi tendisei, zwo <b>dala</b> makaluli khazwo/hu na u kalula ha lufuno na u thusana/Zwi a tendisea – vha hone vhafunani vhane vha tikana kha <b>zwothe</b> , na vhane vha fa vha tshi fela lufuno. ✓✓ | (2) |

- 2.7 O shumisa limethafore. U fhedza nga u sumbedza uri ene na mufunwa wawe vha lwa na vhathu vhane vha lila u vha thithisa na u vha lutanya kha lufuno lwavho. ✓✓

(2)  
[10]**KANA****MBUDZISO 3 (Mbudziso pfufhi)*****Vhungoho – TA Ravhanga***

- 3.1 Nga ha mbonalo ya vhungoho/zwine vhungoho ha vha zwone/vhungoho/ngoho. ✓ (1)
- 3.2 Khwinthethe. ✓ (1)
- 3.3 Noaxe/diabolo. ✓ (1)
- 3.4 Vha mbilu dzo furaho tshimbevha/vhadziatshimbevha. ✓ (1)
- 3.5 Ndi wa u sumbedza uri vhathu a vha funi vhungoho/vhathu ngoho vha a i sanda/ngho a i kundwi nga vhuvhi. ✓✓ (2)
- 3.6 Ndi zwone, ngauri a hu na na tshithu na tshithihi tshi kundaho vhungoho. ✓✓ (2)
- 3.7 Sa tshithu tshi thusaho/imelelaho vhathu. (Zwiñwe na zwiñwe zwi pfalaho.) ✓✓ (2)

[10]

**KANA****MBUDZISO 4 (Mbudziso pfufhi)*****Tshidakwa – T Makhado***

- 4.1 Sathaya/Tsatsaladzo. ✓ (1)
- 4.2 Muthu a sa pfi musi a tshi laiwa. ✓ (1)
- 4.3 U ri tshidakwa tshi langa vhashai (vha si na zwavho), nahone a hu na tshine tsha bveledza. ✓ (1)
- 4.4 Vhutshilo ha tshidakwa vhu vha vhu khomboni nahone ho dala dzithaidzo/zwi kondaho/a tshi nga shanduki. ✓✓ (2)
- 4.5 Ndi ha u sa takala/u dinalea nga u vhona zwine vhutshilo ha tshidakwa ha vha zwone/u pfa vhutungu musi a tshi vhona ndila ine tshidakwa tsha Vhunę ha khandiso iyi ho vhaledzwa Iyani kha siatari li tevhelaho

difarisa ngayo. ✓✓

(2)

4.6 Uri vhathu vha litshe u tshila vhutshilo ha vhudakwa ngauri a vhu na tshivhuya khaho. ✓ (1)

4.7 Zwi bvisela khagala uri vhutshilo ha tshidakwa vhu vha vhu khomboni tshifhinga tshothe lune u fa na u tshila ndi hatsho. ✓✓ (2)

[10]

NA

**VHURENDI VHU SONGO GUDELWAHO/RANDELWAHO****MBUDZISO 5** (Mbudziso ndapfu)

(VHA SHUMISE ADENDAMU KHATHIHI NA RUBRIKI I RE  
MAFHEDZISELONI)

**Maraga dzi avhelwe nga ndila yone:**

- Maraga dza 7 ndi dza mbuno.
- Maraga dza 3 ndi dza luambo. Dzone dzi avhelwe nga ndila hei:
  - Maraga 3 kha o wanaho mbuno 6-7
  - Maraga 2 kha o wanaho mbuno 3-5
  - Maraga 1 kha o wanaho mbuno 0-2

***Lufu – PP Nemaenzhe***

Zwiga zwa u vhala ndi zwiga zwine muñwali a zwi shumisa kha u bveledza thouni na redzhisitara hu u itela u pfukisa mulaedza. Thalutshedzo ya tshirendo ndi zwine tshirendo tsha amba zwone.

Tshirendo hetshi tshi amba nga ha lufu. Ndi uri vhathu vha songo ofha lufu ngauri lufu ndi vhutshilo.

U bveledza mulaedza uyu khagala murendi o shumisa zwiga zwa u vhala zwi tevhelaho: tshithoma/tshiawelo, kholoni, semi kholoni na khoma.

U ḥalutshedza mihumbulo ine murendi a ḥodou i bveledza tshirendoni itshi nga u shumisa zwiga zwa u vhala:

- Kha ndima 1 vese iñwe na iñwe yo fhela nga tshithoma/tshiawelo. Murendi u sumbedza **u vhina mihumbulo** yawe nga u tou buletshedza nga mbuno dzo fhelelaho a tshi sumbedza uri na vha re vhuongeloni na dzikerekeni vha fhedza vho lovha.
- Ndima 2, vese 1 murendi o shumisa khoma phanda ha ipfi 'lufu' zwine zwa sumbedza tshiga tsha **khesura/u awelanyana**. Murendi u awelanyana a konou bvela phanda a tshi khwathisa zwine a amba zwauri lufu lu a ofhisia. Musi vese iyi i tshi fhela ho shumisa tshiga tsha u vhala tsha **kholoni** u sumbedza uri vese iyi i tevhelwa nga u buletshedza miñwe mihumbulo yo vhalaho u bveledza

vhathu vho fhambanaho/vhanzhi vha ofhaho lufu. Mutualadzi 5 ho shumiswa **semikholoni** u sumbedza u khethekanya zwigwada zwa vhathu.

- Kha ndima 2, vese 2 murendi o shumisa semikholoni mafhedziseloni a vese u bvisela khagala muhumbulo wa vhathu vhane vha shaya u pfesesa lufu.
- Ndima 2 vese 4, murendi o shumisa **tshithoma** u vhina muhumbulo wawe wa u sumbedza vhathu vha ofhaho vhuhali ha lufu.
- Kha ndima 3, vese 9 murendi o shumisa **khoma** mafheleloni a vese u sumbedza uri muhumbulo wa vhutungu vhu wanalaho kha lufu a wo ngo fhelela, wo rathela wa ya wa fhelela kha vese 10.
- Ndima 4, vese 11 yo fhela nga khoma u sumbedza muhumbulo wa uri naho lufu lu tshi vhavha, lu isa vhathu vhutshiloni.
- Ndima 4, vese 12 na 13 na 14 mihumbulo ya hone yo khunyelela vhunga murendi o shumisa **zwithoma** mafheloni. Muhumbulo ndi wa u sumbedza uri lufu na vhutshilo ndi tshithu tshithihi/muthu a fa o wana vhutshilo.

Murendi o shumisa zwiga zwa u vhala nga ndila i fushaho kha u bveledza thalutshedzo ya tshirendo itshi.

[10]

## KANA

### MBUDZISO 6 (Mbudziso pfufhi)

#### *Lufu – PP Nemaenzhe*

- |     |   |     |
|-----|---|-----|
| 6.1 | Vhuongeloni na dzikerekeni. ✓   | (1) |
| 6.2 | Ngauri vhathu vha kundelwa u lu divha uri lu dzula lu hone vhutshiloni havho/Vha shaya nungo dza u lu thivhela. ✓ | (1) |
| 6.3 | U ri sumbedza uri lufu lu ofhiwa nga vhathu vhanzhi ngauri a vha koni u khaula vhuhali halwo/u lu fhelisa. ✓✓     | (2) |
| 6.4 | Khesura. ✓  | (1) |
| 6.5 | Vhutungu vhune lufu lwa disa kha vhathu/Vhune vhathu vha vhu pfa. ✓   | (1) |
| 6.6 | Okzimoroni (Limethafore), ✓ wa u sumbedza uri vhutungu ha lufu ndi mudifho wa vhutshilo. ✓                        | (2) |
| 6.7 | U vhona lufu sa ndila i isaho vhathu vhutshiloni/Lufu ndi khunyelelo ya vhutshilo. ✓✓                             | (2) |
- [10]

THANGANYELO YA KHETHEKANYO IYI YA A:

30

NA

**KHETHEKANYO YA B: NGANEA****MBUDZISO 7 (Mbudziso ndapfu)*****TSI DO LILWA – NE PHASWANA***

(VHA ŠHUMISE ADENDAMU KHATHIHI NA RUBRIKI I RE MAFHEDZISELONI)

**Maraga dza tshivhumbeo na luambo dzi avhelwe nga ndila i tevhelaho:**

- Tshivhumbeo : (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
  - Arali o wana maraga dza 12-15 u wana maraga 4
  - Arali o wana maraga dza 6-11 u wana maraga 3
  - Arali o wana maraga dza 1-5 u wana maraga 2

**ADENDAMU****Marangaphanda**

**Fhethuvhupo** ndi fhethu hune mafhungo a khou bvelela hone. Hu nga vha mahayani/musanda/tshikoloni/mudini kana dzidoroboni. **Siangane** ndi nyimele yo tingaho muanewa kana ine muanewa a simuwa/takuwa khayo. I na thuthuwedzo kha kutshilele kwa muthu. **Thero** ndi muhumbulo muhulwane wa bugu une ra u wana kha mafhungo a bugu u bva a tshi thoma u swika magumoni. Ri nga di ri ndi zwine muriwali a khou rera nga hazwo.

**Dzimbuno/Mutumbu**

- Thero ya nganea iyi yo disendeka kha zwa uri vhuhovheeli ho kalulaho vhu a dzhenisu muthu kha zwiito zwi songo daho, sa vhugevhenga. Vhathu kha ri fushee nga zwine ra vha nazwo ngauri ri nga vhuya ra wana ro didzhenisa kha vhugevhenga vhune ha sa vhuedze tshaho.
- U bveledza theroyi muñwali o shumisa fhethuvhupo (Venda) ho bvelaho phanda sa lokhishini ya Thohoyandou.
- Vho-Luvhone na mufumakadzi wavho ndi vhathu vho dzulaho zwavhuñi nahone vhuvhili havho vha a shuma.
- Siangane ya muñ hoyu wa ha Nethulwe i ita uri muñ hoyu u vhe na vhuhovheeli. Vha tshilela u todou vhonwa nga u isa vhana vhavho zwikoloni zwi ñuraho, na u koloda thundu i ñuraho nga one mavhonwa.
- Zwikolodo zwi ñana u dala ngauri itali na madzanga ndi manzhi.
- Vhubindudzi henefha Venda vhu hone, Vho-Luvhone vha lila u koloda tshelede kha Luambo a re ramabindu, zwa di bala.
- Bannga dzi a kolodisa vhathu masheleni. Vho-Luvhone vha lingedza u koloda tshelede banngani fhedzi vha kondiselwa nga muvhala wa lukanda lwavho.
- Nga tshifhinga tshenetschi tshivhi vhañwe vhathu vha ita tshelede nga ndila dzi songo lugaho. Vho no fa dzimvalo.
- Vho-Luvhone vha farwa tshanda nga murathu wavho Dzhalagoma wa livemu.
- Muñ hoyu wo fhedza wo džhena kha zwa vhugevhenga, Yunivesithi zwa u

rengisa mbanzhe two vha zwi tshi konadzea – ndi he Vho-Emeli vha dzhena fhasi kha u rengisela matshudeni mbanzhe.

- Kha liphasi leneli lo vilinganaho ngaurali, Vho-Luvhone vha didzhenisa tshothe kha zwa vhugevhenga hu u itela u wana tshelede.
- Vhutshilo ha vha havhu di kha muta uyu nga tshelede ya u tswa na u rengisa mbanzhe, vha ita na u wana thonifho vhathuni.
- Mulayo u ita wawo mushumo, Vho-Emeli vha farwa nga mapholisa.
- Kha tshifhinga tshenetshi tsho dalaho tshandanguvhoni vha fhedza vho bva.
- Izwi zwi ita uri vha tou na na u fa luvalo.
- Ndi nga tshifhinga tshenetshi hune na Vhakhreste vha vha vhe kha wavho mushumo wa u losha Mudzimu.
- Magevhenga, sa vhathu vho faho dzimvalo vha pulana u homboka vhana vha Mudzimu vhe kerekenei.
- Mudzimu ane a shuma tshifhinga tshothe u ita mushumo kha Dzhalagoma a mbo di rembuluwa.
- Dzhalagoma u la ta vhutshilo hawe ha vhutshinyi, vhuhwarahwara na vhuvemu, a ambulula zwiphiri zwe the a tshi itiswa nga u rembuluwa hawe afha kerekenei.
- Vhunga mulayo u nthha ha zwe the, magevhenga aya a fhedza o farwa.

[25]

### Mapendelo

Zwi khagala uri siangane na fhethuvhupo two vha na thuthuwedzo khulwane kha u bveledza ther. Vho-Luvhone na mufumakadzi wavho vha tshi tutuwedzwa nga izwi zwe the vho fhedza vho dzhena khomboni i sa bvei – vha fhelela thumbuni ya lukhohe.

### KANA

#### **MBUDZISO 8 (Mbuziso pfufhi)**

#### **TSHI DO LILWA – NE Phaswana**

- 8.1 Ndi Vho-Luvhone vhane vha vha munna wa Vho-Emeli. ✓✓ (2)
- 8.2 Nga ha zwikolodo two dadzaho mudi; two tutuwedzwa nga u funesa zwithu zwa nthesa/vhuhovheleli/madzanga. ✓✓ (2)
- 8.3 Vhe mudini wavho/lokheseni ya Thohoyandou. ✓ (1)
- 8.4 Vho-Emeli. ✓ (1)
- 8.5 Capricorn tshi re Pietersburg, nga Vho-Emeli. ✓✓ (2)
- 8.6 Vho-Luvhone: Vha vhilaedzwa nga zwikolodo, a vha tou vha muthu wa u todesa zwa nth. ✓  
Vho-Emeli: Vha sumbedza zwikolodo zwi sa vha vhilaedzi, vha funesa zwa nthesa. (Ndi muthu wa mphwamadzanga.) ✓ (2)

- 8.7 Vho-Luvhone ndi mudededzi ngeno Vho-Emeli vha tshi shuma laibrari ya yunivesithi ya Venda. ✓✓ (2)
- 8.8 ▪ Vha ya ha Luambo wa ramabindu u koloda tshelede a vha dzima. ✓  
▪ Vho ya u koloda tshelede banngani zwa bala. ✓  
▪ Maano a Vho-Luvhone a u ya u tswa goloi o moda. (Mbili dzadzo) (2)
- 8.9 Ndi a tendelana nazwo. Vho vha vha tshi dzula nga u vhilahela kha mushumo une vha khou ita wa u reila magevhenga/Vho tou dzheniswa nga thoho kana nyimele kha vhuada hovhu. ✓✓ (2)
- 8.10 Vhathu a vho ngo tea u dibvisa kha thaidzo ya zwikolodo nga u didzhenisa kha zwa vhugevhenga ngauri vha nga fhedza vho wela khomboni. ✓✓ (2)
- 8.11 U farwa nga mapholisa wa pfiswa vhuungu, sa zwo bvelelaho kha Vho-Luvhone na Vho-Emeli. ✓✓ (2)
- 8.12 A vhu pfali, ✓ vha dzhenisa muta wavho zwikolodoni nga u funesa zwa nthesa, ngeno vhone zwi tshi nga a zwi vha dini. ✓✓ (3)
- 8.13 Ndi vhona zwo tea uri vha farwe vha le mitshelo ya zwe vha shumela. Hezwi zwi do ita uri vha sa tsha dovha u didzhenisa kha zwa vhugevhenga, zwa dovha zwa kaidza na vhaiwe vhathu kha u ita zwa vhugevhenga. ✓✓ (Zwiinwe na zwiinwe zwi pfalaho.) (2)

[25]

## KANA

### MBUDZISO 9 (Mbudziso ndapfu)

### *BULAYO LO TALIFHAHO – AW MAGAU*

(VHA SHUMISE ADENDAMU KHATHIHI NA RUBRIKI I RE MAFHEDZISELONI)

#### Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo : (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
  - Arali o wana maraga dza 12-15 u wana maraga 4
  - Arali o wana maraga dza 6-11 u wana maraga 3
  - Arali o wana maraga dza 1-5 u wana maraga 2

## ADENDAMU

**Marangaphanda**

Fhethuvhupo ndi fhethu hune mafhundo a khou bvelela hone. Hu nga vha mahayani/musanda/tshikoloni/muđini kana dzidoroboni. Siangane ndi nyimele yo tingaho muanewa kana ine muanewa a simuwa/takuwa khayo. I na thuthuwedzo kha kutshilele kwa muthu. Thero ndi muhumbulo muhulwane wa bugu une ra u wana kha mafhundo a bugu u bva a tshi thoma u swika magumoni. Ri nga di ri ndi zwine muñwali a khou rera ngazwo.

**Dzimbuno/Mutumbu**

**(Mugudi u wana thikhi mbili kha mbuno, hone-ha kha o wanaho mbuno dzothe mbuno ya u fhedzisa kha a wane thikhi nthihi uri dzi kone u vha 15)**

- Thero ya bugu iyi ndi vivho. Muñwali u tama u sumbedza uri vivho li a džhenisa muthu khomboni, nahone a li vhuedzi tshało.
- U shumisa fhethuvhupo ha mahayani hu sa athu u bveledzwaho hune ha vha na musanda, na vhathu vho newaho maanda a u tshea milandu. Ndi Venda la mulovha/vhukati.
- Vhathu vha na ndila dzavho dzo fhambanaho dza u tshea milandu zwi tshi ya nga siangane/kualutshele/kutshilele/kuvhonele kwavho.
- Hu shumiswa na vhamusanda vhane vha vha na maanda a nthiha ha avha magota.
- Nga maanda e vhanna avha, Vho-Mukhoho, Vho-Mandiwana na vhafunzi na Vho-Mamidze vha ambadzwa, vho tutuwedza Vhamusanda uri vha kombetshedze Vho-Lugisani uri vha pfulutshele Dovhoni hu itela u thithisa mabindu a Vho-Lugisani.
- Naho Vho-Lugisani vho wana Dovhoni ho salela murahu, vho swika vha li bveledza la Dovhoni.
- Vhatovholi vha Vho-Lugisani vha ñwala vhurifhi vha tshi diita Vho-Lugisani sa vha no khou todou vhewa vhuhos Dovhoni, vha tshi khou shumisa vhuimo havho na ndivho ya zwa musanda.
- Hezwi zwi lutanya Vho-Lugisani na vhamusanda.
- Vhamusanda vha shumisa maanda avho u pandela Vho-Lugisani.
- Mafhundo o vhifha a fhelela mapholisani. Ndi henehfo he Tshammbenga a bula tshiphiri tsha u shengedzwa ha Vho-Lugisani.
- U tambula ha Vho-Lugisani hu a fhela.

Magumo: Siangane na fhethuvhupo zwe vha na thuthuwedzo kha u bveledza ther. Vho-Lugisani vho tambudzwa nga maanda zwi tshi khou tutuwedza nga siangane na fhethuvhupo he vha davhuka hone. Naho vhatambudzi vha Vho-Lugisani vho vha vho dzumbama, vho fhedza vho wanululwa vha pfiswa vhusungu.

[25]

**KANA****MBUDZISO 10 (Mbudziso pfufhi)****BULAYO LO TALIFHANO – AW Magau**

- 10.1 U vhukati ha vhafunzi Vho-Mamidze ✓ na Vho-Mandiwana. ✓ (2)  
Vhuñe ha khandiso iyi ho vhaledzwa Iyani kha siatari li tevhelaho

- 10.2 Musanda Mphagane, ✓ khoroni u sengisa milandu. ✓ (2)
- 10.3 Ndi Phundulu. ✓ (1)
- 10.4 Tshiozwi. ✓ (1)
- 10.5 Wa Vho-Rabambukwa, ✓ wo vha u wa uri vho fhisa tshitumba na tshitanga. ✓ (2)
- 10.6 Vha fana ngauri vhuvhili havho vha tama zwithu zwa Vho-Lugisani zwi sa tshimbili/Vha a vha vhivha/tshivha Vho-Lugisani uri vha si bvelele. ✓ ✓ (2)
- 10.7 A ho ngo vha na ḫthanzi ye ya mu vhona a tshi fhisa. ✓ ✓ (2)
- 10.8 Vho dzhia rannda dza fummbili dza Vho-Tshikweṭa ya uri vha ḫo vha dzudzanyela mulandu. ✓ ✓ (2)
- 10.9 Vho-Lugisani vho hana mulandu wa u sukumedzelwa tshaloni ha vhafunzi Vho-Mamidze u tshi vhigwa musanda/Vho-Lugisani vho hanedza ndila dze Vho-Mandiwana vha vha vha tshi tsheisa zwone mafhungo/milandu musanda. ✓ ✓ (2)
- 10.10 Vho-Lugisani vha tshea milandu vha sa sedzi tshifhatuwo, ngeno (Vhavenda)Vho-Mandiwana vha na tshanḍanguvhoni/tshiṭalula. ✓ ✓ (2)
- 10.11 Vho farwa nga mapholisa vha valelwa dzhele ḫuvha ḫe Vho-Lugisani vha vhewa vhuhosi kha shango ḫa Dovhoni. ✓ ✓ (2)
- 10.12 Ndi pfa ndo takala ✓ nga zwe zwa bvelela khavho, ngauri vho tambudza Vho-Lugisani vha ita na u vha vhulahisela ḫwana/ vhutulu ho ḫa mufhomu. ✓ ✓ (3)
- 10.13 Ndi wavhuḍi ngauri u reila zwi a vha fhaṭa uri vha vhe na vhumatshelo havho havhuḍi. ✓ ✓ (2)  
[25]

## KANA

**MBUDZISO 11 (Mbudziso ndapfu)*****MAFELADAMBWA – NE Sigogo***

(VHA SHUMISE ADENDAMU KHATHIHI NA RUBRIKI I RE MAFHEDZISELONI)

**Maraga dza tshivhumbeo na luambo dzi avhelwe nga ndila i tevhelaho:**

- Tshivhumbeo : (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
  - Arali o wana maraga dza 12-15 u wana maraga 4
  - Arali o wana maraga dza 6-11 u wana maraga 3
  - Arali o wana maraga dza 1-5 u wana maraga 2

**ADENDAMU****Marangaphanda**

Fhethuvhupo ndi fhethu hune mafhungo a khou bvelela hone. Hu nga vha mahayani/musanda/tshikoloni/muđini kana dzidoroboni. Siangane ndi nyimele yo tingaho muanewa kana ine muanewa a simuwa/takuwa khayo. I na ḫuthuwedzo kha kutshilele kwa muthu. Thero ndi muhumbulo muhulwane wa bugu une ra u wana u bva kha mafhungo a bugu a tshi thoma u swika magumoni. Ri nga di ri ndi zwine muñwali a khou rera nga hazwo.

**Dzimbuno/Mutumbu**

(Mugudi u wana thikhi mbili kha mbuno, hone-ha kha o wanaho mbuno dzothe mbuno ya u fhedzisa kha a wane thikhi nthihi uri dzi kone u vha 15)

- Muñwali u khou sasalandza vhutendatenda kha zwa vhuloi uri a si zwavhuđi ngauri zwi a dzenisa muthu khomboni/khakhathini.
- U shumisa fhethuvhupo ha mahayani ho no bvelaho phanda hune ha kha di vha na vhanzhi vha tendaho kha zwa vhuloi.
- Ho shumiswa siangane ya Vho-Maemu ya mme vho vhuyaho vha pandelwa nga vhuloi u khwathisedza u lowa havho.
- Ho shumiswa makhadzi vhane vha na vhupfiwa mudini, nahone vha tendaho kha zwa vhomaine/dziñanga kha u tutuwedza uri vhukuma mmbwa heiła a si mmbwa ndi phele.
- Nzulele ya muña une Mawela a khou aluwa khawo na ḫuthuwedzo ya mme awe zwi ita uri na ene a tende kha zwa vhuloi.
- Ndi tshifhinga tshire vhatu vha vha vho no dowela zwa u vutshelana, ha shumiswa ipfi makhomoreidi.
- U wanala ha pitirolo zwi a leluwa nga riwambo wa tshifhinga, zwa vho ita uri Mawela a lelutshelwe kha pulane dzawe.
- Mawela o no farwa nga Vho-Lialama a zwo ngo dzhia tshifhinga uri vha founelle mapholisa, vhunga vhu hone vhudavhidzani ha musalauno.
- Vhafunzi vha nekedza vhutanzi vha tshi tikedzwa nga tshirepe, ndi zwithu zwa [25] Vhunę ha khandiso iyi ho vhaledzwa

Iyani kha siatari li tevhelaho

- ano mađuvha hezwi.
- Mawela u a farwa a gwevhiwa.

Magumo: Siangane na fhethuvhupo zwo vha na thuthuwedzo kha u bveledza thero kana ndivho ya bugu iyi ngauri zwo tūtuwedza uri Mawela a diwane a dzhele nga u todou vhulaha Vho-Maemu nge a vha a tshi khou tenda uri ndi muloi, ngeno a si na vhučanzi nazwo.

## KANA

### MBUDZISO 12

#### MAFELABAMBWA – NE Sigogo

- |       |   |     |
|-------|---|-----|
| 12.1  | Ndi Vho-Sara✓ vha tshi amba na Vho-Maemu. ✓   | (2) |
| 12.2  | Ndi Mawela, ✓ vho itiswa nga u divha uri vho no mu shela muya wa uri u gadiswa nga phele vhusiku, nga zwenezwo vha na vhučanzi uri u na vengo khavho/navho. ✓   | (2) |
| 12.3  | Vho a wana kha muhalivho Vho-Matodzi. ✓   | (1) |
| 12.4  | Saga ye ya vha i nga ngomu hayo yo tou kokodzwa nga tshaini ye ya vha yo nembelela fhasi ha goloi. ✓  | (1) |
| 12.5  | Ndi Vho-Matodzi✓ na Vho-Sara. ✓   | (2) |
| 12.6  | Muambi wa <i>Tshipida 1</i> u tenda kha zwa vhuloi, ✓ ngeno wa <i>Tshipida 2</i> a sa tendi khazwo. ✓   | (2) |
| 12.7  | Mawela o fela zwine a si zwi divhe vhunga o tou tenda zwe a pfa zwauri mmbwa iyo ndi phele, nahone Vho-Maemu ndi muloi. O tou shumiswa u bveledza ndavhelelo dza makhadzi na mme awe, ngeno ene a sa zwi divhi uri u khou dzheniswa khakhathini (Kana zwiñwe zwi pfalaho.) ✓✓ | (2) |
| 12.8  | Mawela o dzheniswa nga thoho kha mafhundo a vhuloi ha Vho-Maemu a fhedza o no tou a ita zwiñulu, zwa mu sia e khomboni/khakhathini. ✓✓  | (2) |
| 12.9  | Vhafunzi vho do humbela u nea vhučanzi khothe vha kona u talutshedza zwa musi vha tshi vhona goloi ya Vho-Ramasunzi i tshi khou tshimbila yo haka tshithu nga fhasi, vha khwañhiswa nga u sumbedza na tshirenepe. ✓✓  | (2) |
| 12.10 | Muambi wa <i>Tshipida 2</i> ha tendi kha zwa vhuloi, ngeno nwana wawe a tshi tou fombe khazwo. ✓✓   | (2) |
| 12.11 | O fhedza o farwa a gwevhelwa u dzula dzhele miñwaha ya 22 hu si na faini. ✓✓  | (2) |

- 12.12 Ndi pfela vhutungu Mawela, nga mulandu wa u wela-wela hawe kha zwithu vhumatshelo hawe ho mbo di tumuwa/A thi mu pfeli vhutungu ngauri u khou la mitshelo ya zwe a shuma (Zwiñwe na zwiñwe zwi pfalaho.) ✓✓ (2)
- 12.13 Ndi muthu o vhaisalaho nga maanda. ✓ Vha vhaisala zwo tea ngauri o kaidza havha vhaambianavho vha tou sa pfa, zwino ane a vho fanela u ima-ima na mafhongo haya vho no vha vhone. ✓✓ (3) [25]

**THANGANYELO YA KHETHEKANYO IYI YA B:** 25

NA

### KHETHEKAYO YA C: DIRAMA

**MBUDZISO 13** (Mbudziso ndapfu)

**HA U TSA NDI HA U GONYA – LL Mafenya, NA Milubi**

**MUTSHUTSHU – LL Mafenya**

(VHA SHUMISE ADENDAMU KHATHIHI NA RUBRIKI I RE MAFHEDZISELONI)

**Maraga dza tshivhumbeo na luambo dzi avhelwe nga ndila i tevhelaho:**

- Tshivhumbeo : (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
  - Arali o wana maraga dza 12-15 u wana maraga 4
  - Arali o wana maraga dza 6-11 u wana maraga 3
  - Arali o wana maraga dza 1-5 u wana maraga 2

### ADENDAMU

Marangaphanda

Khudano ndi u lwa kana u fhambana ha vhatambi buguni zwi tshi bva kha kuhumbulele, mvelele kana kuvhonele kwavho kwa vhutshilo. Thero ndi muhumbulo muhulwane wa bugu une ra u wana u bva mathomoni a bugu u swika i tshi fhera.

Dzimbuno/Mutumbu

(Mugudi u wana thikhi mbili kha mbuno, hone-ha kha o wanaho mbuno dzothé mbuno ya u fhedzisa kha a wane thikhi nthihi uri dzi kone u vha 15)

- Thero ya iyi dirama pfufhi yo disendeka kha zwa u tshutshudzana. Nangoho mutshutshudzi wa mulandu a si mulifhi wawo.
- Khuñano i simuwa musi Ntshavheni a tshi pfa mutshutshu u bvaho kha kholani dzawé wa uri u laulwa nga mufumakadzi sa izwi o mala mufumakadzi a shumaho, nahone o funzeaho.

- Ndivho ya dirama iyi ndi u eletshedza vhathu uri vha songo tshila vha tshi tevhela zwa u tshutshudzwa nga vhathu ngauri vha do sala vho tshinyalelwa.
- Ntshavheni o vhuya o sinyutshela Alice mufumakadzi wawe nga zwe a pfa nga khonani dzawe, hezwi zwa disa khu<sup>ñ</sup>dano khulwane vhukati havho.
- U khwathisa lwendo Iwa u fhelekedza Vho-Nengwe<sup>ñ</sup>ani makhuwani nga duvha l<sup>ine</sup> mufumakadzi a khou ya ngalo khosoni; hezwi zwo itelwa u konyolola mufumakadzi uri a songo ya khosoni.
- U hanisa Alice u <sup>to</sup>da mukegulu wa u sala na vhana. Hezwi Alice a zwi mu fari zwavhu<sup>di</sup> vhunga a tshi vhona khoso iyo i ya ndeme kha mushumo wawe, nahone o di dowela u ya na nga maduvha.
- U fhedza a tshi ri Alice kha dzule u ya khosoni uri mudini hu sale hu na muthu.
- Ntshavheni u dovha hafhu a kudana na khonani yawe Funzani we a vha a tshi khou mu eletshedza kha zwe a vha a tshi khou farisa zwone Alice.
- U iledza Alice u <sup>namela</sup> goloi ya Matibe.
- Khudano i vhifha tsho<sup>ñ</sup>the musi Ntshavheni a tshi rwa Alice, Alice u a nala a tuwa.
- U tuwa ha Alice ho mbo di disa u fhela ha khudano kha avha vhavhili.
- Ntshavheni ene o vho sala a tshi disola musi a tshi vho zwi vhona uri vhathu vhe a vha a tshi khou tevhedza ngeletshedzo dzavho vho vha vha tshi kho tou mu tshutshudza.

Mapendelo: Mu<sup>ñ</sup>wali o kona u shumisa khu<sup>ñ</sup>dano nga <sup>ndila</sup> ine ya kona u bveledza therero ya dirama. Ntshavheni o pfa mutshutshu wa vhathu a fhedza o dipwashela mudi.

[25]

## **MBUDZISO 14 (Mbudziso pfufhi)**

### ***VHA DILINDE- NA Milubi***

- |      |  |     |
|------|--|-----|
| 14.1 | Vho-Funani, ✓ vhe Pi <sup>ñ</sup> tori, ✓vho ya mu <sup>ñ</sup> tanganoni. ✓   | (3) |
| 14.2 | Ndi mbonalo ya maha <sup>ñ</sup> a na khana zwa Vho-Funani/Ndi u vhumbea havho/lunako lwavho. ✓  | (1) |
| 14.3 | Ndi musidzana a sa shoni nahone a funesaho vhanna/wa mbilu mmbi ane a funa u phadaladza tshitshili tsha HIV. ✓✓  | (2) |
| 14.4 | Kani o tokomelwa, ngeno Wanani o thanyela thungo. ✓✓   | (2) |
| 14.5 | Wanani o fhedza o dzhena na Vho-Funani kha zwa vhudzekani vhu songo tsireledzwaho. ✓✓  | (2) |
| 14.6 | Vho-Funani vha divha zwauri Wanani o tou ke, ha na tshitshili, ngeno Vho-Thina vha tshi zwi divha uri u na tshitshili, nahone zwi divhiwa nga vhathu vhanzhi. ✓✓ | (2) |

- 14.7 Ndi u shavha u diita wa fhasi, ✓vho diwana vho no lala na Wanani. ✓ (2)
- 14.8 14.8.1 Hai, ✓ a si u ya nga ha Kani, ndi u ya nga ha Wanani. ✓ (2)
- 14.8.2 Hai, ✓ vho la resistorenteni ya Superdiner. ✓ (2)
- 14.9 Muthu a songo fhurwa nga muthu ane a sa divhe kutshilele kwawe, a didzhenisa nae kha zwa vhudzekani a songo ditsireledza. ✓✓ (2)
- 14.10 Ee, ✓ ndi muthu wa u luga o sokou fhurea-vho a vho dzhena khomboni✓✓/  
Hai, vho wana zwe vha tou zwi ḥoda – ndi philiphise. (3)
- 14.11 Ndo vha ndi tshi do lwisa u sa didzhenisa kha zwa vhudzekani na luthihi/  
U sa didzhenisa kha zwa vhudzekani vhu songo tsireledzwaho. ✓✓ (2)
- [25]

## KANA

**MBUDZISO 15** (Mbudziso ndapfu)

**MILOMO YA NUKALA – NP Nefefe**

(VHA SHUMISE ADENDAMU KHATHIHI NA RUBRIKI I RE MAFHEDZISELONI)

**Maraga dza tshivhumbeo na luambo dzi avhelwe nga ndila i tevhelaho:**

- Tshivhumbeo : (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
  - Arali o wana maraga dza 12-15 u wana maraga 4
  - Arali o wana maraga dza 6-11 u wana maraga 3
  - Arali o wana maraga dza 1-5 u wana maraga 2

## ADENDAMU

Marangaphanda

Khudano ndi u lwa kana u fhambana ha vhatambi buguni zwi tshi bva kha kuhumbulele, mvelele kana nyito. Thero ndi muhumbulo muhulwane wa bugu une ra u wana u bva mathomoni a bugu u swika i tshi fhela.

Dzimbuno/Mutumbu

(Mugudi u wana thikhi mbili kha mbuno, hone-ha kha o wanaho mbuno dzothe mbuno ya u fhedzisa kha a wane thikhi nthihi uri dici kone u vha 15)

- Thero ya iyi dirama yo disendeka kha zwa u tambudzwa ha vhana na vhafumakadzi mitani.
- Muñwali u khou kaidza vhabebi/vhokhotsi vha tambudzaho vhana na vhafumakadzi. Hezwi muñwali o zwi bveledza nga u shumisa khuñano.
- Khuñano i simuwa musi Vho-Bukuña vha tshi tambudza vhana vhavho Tsumbedzo na Ntshengedzeni, mufumakadzi a tshi pfa vhutungu.

- Vha rwa Tsumbedzo nge vha wana a songo sheledza miri, Vho-Takalani vha tshi lingedza u kaidza na vhone vha a rwiwa.
- Vha dovha hafhu vha mu rwa nge vha wana o dzula na mme awe Vho-Takalani, vha ri ndi ngani a sa yi u vhala bugu.
- Vha kombetshedza u ita zwa vhudzekani na nwana wavho Ntshengedzeni.
- Vha tshi yela Ntshengedzeni rumuni vha mu kombetshedza u ita zwa vhudzekani nae ene a sa funi.
- Vha mu vhidzela rumuni yavho a sa ye, vha fhedza nga u mu rwa.
- Muofhe khonani ya Ntshengedzeni u lingedza u mu eletshedza na u mu shushedza nga ha vhananyana vha itaho zwa vhudzekani na vhokhotsi avho; ene a si thetshelese a ita tshikhuna.
- Khaladzi awe Tsumbedzo na mme awe Vho-Takalani vha lingedza u amba nae nga u vhona a si tshee na mutakalo, a si bvele khagala.
- Ntshengedzeni u shavhela ha makhadzi wawe Vho-Mutshekwa, khotsi awe vha mu tevhelela vha fhedza vha mu rwa.
- Ntshengedzeni u ya ha vhashumelavhapo a fhedza o iswa sibadela u tolwa, a wanala a na thumbu. Hezwi zwi ita uri mme awe vha dinalee vhukuma.
- Vho-Takalani vha vhudzisa mukalahha nga ha mafhungo aya a u lala havho na nwana, vha rwiwa nga thanda vha wela fhasi vha sindwa na nga mafeisi khofheni.
- Vho-Bukuta vha fhambana na mapholisa vha ri vha songo dzhenelala zwa mudini wavho, zwi kwama vhone ngauri nwana ndi wavho a si wa mu<sup>niwe</sup>. Vho-Bukuta vha fhedza vho farwa, vha gwevhelwa u dzula dzhele vhutshilo havho hothe.

Mapendelo: Mu<sup>niwali</sup> o kona u shumisa khudano nga ndila ine ya kona u bveledza therero ya bugu iyi.

[25]

## KANA

### **MBUDZISO 16 (Mbudziso pfufhi)**

#### ***MILOMO YA NUKALA – NP Nefefe***

- |      |   |     |
|------|---|-----|
| 16.1 | Ndi khotsi✓ na nwana. ✓   | (2) |
| 16.2 | Ndi ngauri khotsi awe vha khou mu tambudza lwa vhudzekani. ✓✓   | (2) |
| 16.3 | Ndi muthu wa tshituhu/a tambudzaho/a sin a lufuno nahone a sa koni u difara/dilanga. ✓✓                                   | (2) |
| 16.4 | A hu na ane vha mu funa. ✓Tsumbedzo vha a mu rwa, ngeno Ntshengedzeni vha tshi mu tambudza lwa vhudzekani. ✓              | (2) |
| 16.5 | Vho-Buku <u>ta</u> vho ya kamarani ya Ntshengedzeni vha swika vha mu tshipa/ vha mu kombetshedza u ita zwa vhudzekani. ✓✓ | (2) |

- 16.6 Ndi zwauri Vho-Buku<sup>ta</sup> vha khou tambudza Ntshengedzeni lwa vhudzekani. ✓✓ (2)
- 16.7 Vho fhedza vho farwa nga mapholisa vha gwevhelwa u dzula dzhele vhutshilo havho ho<sup>te</sup>. ✓✓ (2)
- 16.8 16.8.1 Ee, ✓ mme awe, khaladzi awe na khonani yawe vho lingedza u mu vhudzisa nga zwi mu dinaho a sokou fhumula a sa ambe tshithu✓/ Hai, o vha a tshi khou ofha zwine a khou tangana nazwo ngauri khotsi awe vho mu vhudza uri a amba vha do mu vhulaha. (2)
- 16.8.2 Ee, ✓ o lingedza u mu eletshedza kha zwa vhutshilo sa khonani yawe. ✓ (2)
- 16.9 Mafhuno a u tambudza vhana na vhafumakadzi o vhifha nahone a wedza muthu khakhathini/Vhathu kha ri litshe zwa u tambudza vhana. ✓✓ (2)
- 16.10 Hai, ✓ ndi mbadelo yavho ngauri vha tambudza vhana na mufumakadzi. ✓✓ (3)
- 16.11 Ndo vha ndi tshi do t̄avhanya nda zwi vhiga mapholisani kana kha vhashumelavhapo (Zwi<sup>n</sup>we na zwi<sup>n</sup>we zwi pfalaho.) ✓✓ (2)  
[25]

**THANGANYELO YA KHETHEKANYO IYI YA C:**

**25**

**MARAGAGUTE:** 80

## RUBRIKI YA U TOLA/MAKA MBUDZISO NDAPFU KHA VHURENDI

KHOUDU	7 Vhuswikeleli ha nthesa  80 – 100%	6 Vhuswikeleli ha nth  70 – 79%	5 Vhuswikeleli ho dziaho  60 – 69%	4 Vhuswikeleli vhu fushaho  50 – 59%	3 Vhuswikeleli ho linganelaho  40 – 49%	2 Vhuswikeleli Ha fhasi  30 – 39%	1 U sa swikelela  0 – 29%
Zwi re ngomu na luambo	-U talutshedza thoho lwa vhudzivha, zwipida zwothe zwe kwamiwa lu fushaho. -Phindulo yo vhewaho lwa nthha nthesa: 90%+. Phindulo yo vhewaho lwa nthesa: 80 – 89%. -Mihumbulo minzhi yo dziaho i khou tāndavhudzwa ya tikedzwa u bva kha tshirendo. -U pfesesa lwa nthesa kha lushaka holwu lwa mariwalwa na tshirendo. -Mafhundo a re na ndunzhendunzhe. - Mathomo na magumo zwa nthesa. - Mihumbulo yo vhekanywa na u fhatwa zwavhuđi -Luambo, khalo na tshitaila zwe vibahalo, zwi nyanyulaho, zwe lulamaho.	-U talutshedza thoho lu re nthha ha ndinganyo, zwipida zwothe zwe kwamiwa lu vhuedzaho. -Phindulo yo fhelelaho. -Mihumbulo minzhi i pfalahoy newa, ya tikedzwa zwavhuđi u bva tshirendoni. -U pfesesa havhuđisa ha lushaka lwa mariwalwa na tshirendo. -Phindulo yo dzudzanywa zwavhuđi. -Mathomo na magumo zwavhuđi. -Mafhundo na kuhumbulele zwi a tevhega nga vhulelu. - Luambo, khalo na tshitaila zwe lulamaho nahone zwe teaho ndivho. Likumedzwa lavhudi.	-U sumbedza u pfesesa ho khetheaho nahone o talutshedza thoho zwavhuđi. -Phindulo i no dī pfala yo newa. -Miwiemihumbulo i pfalahoy newa, hone i si yothe nahone i songo tikedzwa nga ndila yo lavhelelwaho. -Hu na tsumbo ya u pfesesa lushaka lwa mariwalwa na tshirendo. -Phindulo yo dzudzanywa zwavhuđi. -Marangaphanda na magumo na dzinwe phara zwe dzudzanywa hu na ndunzhendunzhe. -Nyelelo ya phindulo i a kona u tevhelea. - Luambo, khalo na tshitaila hunzhi zwe llulama.	- U talutshedza thoho lwa khwine a hu ngo kwamiwa zwipida zwothe nga vhudalo. - Hu na dzinwe mbuno dzavhuđi dzi tikedzaho thoho. -Vhunzhi ha mafhundo o tikedzwa, fhedzi kanzhi lu sa tou tendisea. -Mutheo wa kupfeselwel kwa lushaka lwa mariwalwa na tshirendo itsho na kathihi. -Tshivhumbeo tshi re khagala na nyelelo ya mafhundo a pfalaho. -Dzinwe tsumbo dza tshivhumbeo. - Phindulo i tāhela nyelelo yo dzudzanyiwohzo zwavhuđi i re na ndunzhendunzhe. -Vhukhakhi vhutukha luambo, khalo na tshitaila a zwi tei ndivho ya kuñwalele kwa akademi.	-Ndingedzo zwadzo dza u fhindula mbudziso. -Phindulo i tana u pfesesa hu songoho kule ha thoho. -Mihumbulo a i kholwisei nahone hu na u tikedza u bva tshirendoni hutuku. -Mugudi ha ngo pfesesa lushaka lwa mariwalwa na tshirendo itsho na kathihi. -Phindulo i tana vhupulani ho khakeaho. -Hu na tsumbo dza vhukhakhi ha luambo. Khalo na tshitaila a zwi tei ndivho ya kuñwalele kwa akademi.	- U sa pfesesa thoho. -Phindulo i na ndovhololo nahone tshiñwe tshifhinga i tshi amba zwe bvaho. -Muhumbulo a wo ngo ya kule, thalutshedzo yo khakheaho/mihumbulo a i tikedzwi u bva tshirendoni. -U pfesesa lushaka na tshirendo ha fhasisa. -Likumedzwa la fhasi nahone li tahelaho vhupulani, zwa mbo thithisa nyelelo ya mafhundo. -Vhukhakhi ha luambo na tshitaila tshi si tshone zwi ita uri tshipida tsha mariwalwa hetshi tshi sa bvelele nahone tshitaila a tshi elani na ndivho ya u riwala ha akademi.	-Phindulo i na vhushakanyana na thoho fhedzi mafhundo ha tevhelelei, kana o tou bva tshothe. -Ndingedzo ya fhasisa ya u fhindula mbudziso. Mbuno thukhu dzo riwalwaho a dizi na thikhedzo kha tshirendo. -U pfesesa lushaka na tshirendo ha fhasisa. -Zwi a konda u amba uri thoho yo fhindulwa. - A hu na tsumbo ya vhupulani. - Luambo lwa fhasisa. Tshitaila na khalo zwe khakheaho. - A hu na ndunzhendunzhe.

## RUBRIKI YA U MAKU MBUDZISO NDAPFU KHA NGANEA NA DIRAMA: 25

## Kha vha dziele nzhle phambano i re kha kuavhele kwa maraga kha tshivhumbeo na zwi re ngomu

KHOUDU NA KUAVHELE KWA MARAGA		ZWI RE NGOMU (15)		TSHVHUMBEO NA LUAMBO (10)
		Utalutshedza thoho. Vhudzivha ha mihibulo, u tikedza na u pfectesa tshibveledzwa.		Tshivhumbeo, nyelelo i re na ndunzhendunzhe na likumedzwa. Luambo, khalo na tshitaila zwo shumiswaho kha phindulo.
<i>Khoudu 7</i>  80 – 100%	Vhuswikeleli ha nthesa  <b>Maraga: 12 – 15</b>	<ul style="list-style-type: none"> <li>U talutshedza thoho lwa vhudzivha, zwipida zwothē zwo kwamiwa nga vhudalo.</li> <li>Phindulo ya thesa: 90%+. Phindulo ya nthesa: 80 – 89%.</li> <li>Mihumbulo minzhi ya vhudzivha i tikedzwa u bva kha tshibveledzwa.</li> <li>U pfectesa ha nthesa ha lushaka lwa mariwalwa na tshibveledzwa.</li> </ul>	Vhuswikeleli ha nthesa  <b>Maraga: 8 – 10</b>	<ul style="list-style-type: none"> <li>Tshivhumbeo tshi re na ndunzhendunzhe.</li> <li>Marangaphanda na magumo zwa nthesa.</li> <li>Mihumbulo ya dzudzanywa zwavhuđi nahone yo fhatwa zwavhuđi.</li> <li>Luambo, khalo na tshitaela zwo vibvela, zwi a nyanyula nahone zwo lulama.</li> </ul>
<i>Khoudu 6</i>  70 – 79%	Vhuswikeleli ha nthha  <b>Maraga: 11</b>	<ul style="list-style-type: none"> <li>U talutshedza thoho lwa nthha ha ndinganyo, zwipida zwothē zwo kwamiwa lwo linganaho.</li> <li>Phindulo yo dodombedzwaho.</li> <li>Ho newa mihibulo minzhi i pfalaho, i tikedzwaho u bva kha tshibveledzwa.</li> <li>U pfectesa lushaka lwa mariwalwa na tshibveledzwa havhudisa.</li> </ul>	Vhuswikeleli ha nthha  <b>Maraga: 7</b>	<ul style="list-style-type: none"> <li>Phindulo yo dzudzanywa zwavhuđi.</li> <li>Marangaphanda na magumo zwavhuđi.</li> <li>Mihumbulo na kuhumbulele zwi a tevhelela.</li> <li>Luambo, khalo na tshitaila zwo lulama nahone zwo tea ndivho.</li> <li>Likumedzwa lavhuđi.</li> </ul>

<b><i>Khoudu 5</i></b> <b>60 – 69%</b>	Vhuswikeleli ho dziaho  <b>Maraga: 9 of 10</b>	<ul style="list-style-type: none"> <li>• U sumbedza u pfesesa nahone a talutshedza thoho zwavhuđi.</li> <li>• Phindulo yo dodombedzwa lwa khwine.</li> <li>• Minwe mihumbulu i pfalaho yo newa, fhedzi hu si yothe nahone i sa tikedziwe nga ndila yo lavhelelwaho.</li> <li>• Hu na tsumbo ya u pfesesa lushaka lwa mariwalwa na tshibveledzwa.</li> </ul>	Vhuswikeleli ho dziaho  <b>Maraga: 6</b>	<ul style="list-style-type: none"> <li>- Tshivhumbeo tshi re khagala na nyelelo ya mihumbulu i re na ndunzhendunzhe.</li> <li>- Marangaphanda na magumo na dziriwe phara zwo dzudzanywa hu na ndunzhendunzhe.</li> <li>- Nyelelo ya mihumbulu i a kona u tevhelelea.</li> <li>- Luambo, khalo na tshitaila vhunzhi hazwo zwo lulama.</li> </ul>
<b><i>Khoudu 4</i></b> <b>50 – 59%</b>	Vhuswikeleli vhu fushaho  <b>Maraga: 8</b>	<ul style="list-style-type: none"> <li>• U talutshedza thoho lwa khwiňe, a si zweithe zwipida zwo kwamiwaho nga vhudalo.</li> <li>• Hu na dziriwe mbuno dzi tikedzaho thoho.</li> <li>• Mihumbulo minzhi yo tikedzwa fhedzi a hu na vhutanzi vhu pfalaho/tendiseaho.</li> <li>• U pfesesa lushaka lwa mariwalwa na tshibveledzwa lwa mutheo.</li> </ul>	Vhuswikeleli vhu fushaho  <b>Maraga: 5</b>	<ul style="list-style-type: none"> <li>- Hu na dziriwe tsumbo dza tshivhumbeo.</li> <li>- Phindulo i tahela nyelelo yo dzudzanyiwaho zwavhuđi i re na ndunzhendunzhe.</li> <li>- Vhukhakhi vhutuku ha luambo, khalo na tshitaila hunzhi zwo tea.</li> <li>- Kanzhi hu na ndunzhendunzhe kha dziphara.</li> </ul>
<b><i>Khoudu 3</i></b> <b>40 – 49%</b>	Vhuswikeleli ho linganelaho  <b>Maraga: 6 of 7</b>	<ul style="list-style-type: none"> <li>• Ndingedzo zwadzo dza u fhindula mbudziso.</li> <li>• Mbudziso yo fhindulwa hu na vhudzivha vhutukusa.</li> <li>• Mihumbulo a i tutuwedzi nahone hu na u tikedza hutuku zwi bvaho kha tshibveledzwa.</li> <li>• Mugudi ha ngo vhuya a pfesesa lushaka lwa mariwalwa na tshibveledzwa.</li> </ul>	Vhuswikeleli ho linganelaho  <b>Maraga: 4</b>	<ul style="list-style-type: none"> <li>- Tshivhumbeo tshi sumbedza u shaea ha vhupulani.</li> <li>- Mafhundo ha ngo dzudzanywa lune a tevhekana.</li> <li>- Tsumbo dza vhukhakhi ha luambo. Khalo na tshitaila a zwo ngo tea ndivho ya mariwalwa a akademi. Phara dzo khakhea.</li> </ul>

<b><i>Khoudu 2</i></b> <b>30 – 39%</b>	Vhuswikeleli ha fhasi  <b>Maraga: 5</b>	<ul style="list-style-type: none"> <li>• U pfesesa thoho ha fhasisa.</li> <li>• Phindulo yo dala ndovhololo nahone huñwe yo bva.</li> <li>• Mihumbulo a si ya vhudzivha, thalutshedzo yo khakheaho/Mihumbulo a i tikedzwi zwi tshi bva kha tshibveledzwa.</li> <li>• U pfesesa ha fhasi lushaka lwa manwalwa na tshibveledzwa.</li> </ul>	Vhuswikeleli ha fhasi  <b>Maraga: 3</b>	<ul style="list-style-type: none"> <li>- Likumedzwa la fhasi nahone li tachelaho tshivhumbeo tsho pulaniwaho zwi thithisa nyelelo ya muhumbulo.</li> <li>- Luambo lwo khakheaho na tshitaila tshi si tshone zwi ita uri zwe niwalwaho zwi si vhe zwa vhukuma nahone tshitaila a tsho ngo tea ndivho ya u riwala ha akademi.</li> <li>- Phara dzo khakhea.</li> </ul>
<b><i>Khoudu I</i></b> <b>0 – 29%</b>	U sa swikelela  <b>Maraga: 0 – 5</b>	<ul style="list-style-type: none"> <li>• Phindulo i sumbedza vhuñwe vhushaka na thoho fhedzi mihibulo i a konda u tevhelela nahone/kana yo bva tshothe.</li> <li>• U kundelwa kha ndingedzo ya u fhindula mbudziso. Mbuno thukhu dzo lulamaho a dzi na thikhedzo u bva kha tshibveledzwa.</li> <li>• U kundelwa u pfesesa lushaka lwa manwalwa na tshibveledzwa.</li> </ul>	U sa swikelela  <b>Maraga: 0 – 2</b>	<ul style="list-style-type: none"> <li>- Zwi a konda u amba arali mbudziso yo fhindulwa.</li> <li>- A hu na tsumbo ya tshivhumbeo tsho pulaniwaho hu na theyhekano.</li> <li>- Luambo lwa fhasi-fhasi. Tshitaila na khalo zwe khakheaho.</li> <li>- A hu na dziphara kana ndunzhendunzhe.</li> </ul>